



Ffioedd y Llys Sifil a'r Llys Teulu

O'r 21 Mawrth 2016 ymlaen

Gwybodaeth bwysig

Mae'r daflen hon yn cynnwys detholiad o ffioedd y llys sifil a'r llys teulu. Nid hon yw'r rhestr gyflawn, ac nid yw ychwaith yn awdurdod ar ffioedd. I gael rhestr lawn o'r ffioedd a godir yn y llys sifil a'r llys teulu, edrychwch ar EX50AHMCTS ar hmctsformfinder.justice.gov.uk

Mae'r rhestrau llawn o holl ffioedd y llysoedd ar gael mewn Offerynnau Statudol (OS) a elwir yn orchmynion ffioedd a gellir eu gweld ar-lein yn www.legislation.gov.uk

Mae'r ffioedd llys yn y daflen hon yn berthnasol i'r Uchel Lys, y Llys Sirol a'r Llys Teulu, a'r un fath ymhob un, oni nodir fel arall. Bydd eich llys lleol yn gallu'ch helpu i ganfod unrhyw ffi nad yw ar gael yn y daflen hon.

Amser ar gyfer talu ffioedd

Mae ffioedd llys i'w talu ar yr adeg y byddwch yn ffeilio unrhyw ddogfen neu pan fyddwch yn cychwyn unrhyw broses y mae ffi i'w thalu ar ei chyfer, oni nodir fel arall.

Dulliau talu

Mae llysoedd yn derbyn taliad gyda cherdyn debyd neu gerdyn credyd, arian parod, archeb bost neu siec, i'w gwneud yn daladwy i '**Gwasanaeth Llysoedd a Thribiwnlysoedd EM**'. Os byddwch yn talu â siec a bod honno'n cael ei gwrthod, bydd y llys yn cymryd camau i adennill yr arian. Os na fyddwch yn talu, bydd eich achos yn cael ei ohirio neu'n cael ei wrthod hyd yn oed.

Gallwch dalu â cherdyn credyd neu gerdyn debyd os ydych yn defnyddio un o'r gwasanaethau ar-lein.

Beth os na alla'i fforddio talu ffi'r llys?

Os na allwch chi fforddio'r ffi, mae'n bosibl eich bod gymwys i gael y ffi wedi'i dileu, naill ai'n llwyr neu'n rhannol. Mae'r holl wybodaeth sydd arnoch ei hangen i'w gael yn y llyfryn a'r ffurflen gais ar y cyd **EX160A - Cymorth gyda ffioedd**. Gallwch gael copi gan unrhyw ganolfan gwrandawiadau llys neu ar-lein yn hmctsformfinder.justice.gov.uk

Ad-daliadau

Os ydych wedi gwneud cais i gychwyn hawliad drwy'r post, a bod y diffynnydd yn setlo'r anghydfod cyn i'r llys neu'r ganolfan fusnes brosesu'ch cais, bydd gennych hawl i gael ad-daliad dim ond os byddwch wedi rhoi gwybod inni na ddylai'r hawliad gael ei gychwyn.

I roi gwybod inni fod eich achos wedi'i setlo'n barod, rhowch wybod i ganolfan wrandawiadau neu ganolfan fusnes y Llys Sirol perthnasol dros y ffôn neu drwy e-bost. Mae'r manylion cysylltu perthnasol i'w gweld yn: <http://courttribunalfinder.service.gov.uk>

Dylech gadw cofnod o'r ffaith eich bod wedi rhoi gwybod inni.

Os ydy'ch hawliad wedi'i gychwyn yn barod, gallwch adennill cost eich ffi llys oddi wrth y diffynnydd.

Ni ddylech o dan unrhyw amgylchiadau ganslo siec neu daliad â cherdyn i Wasanaeth Llysoedd a Thribiwnlysoedd EM. Drwy ganslo siec neu daliad, gallai Gwasanaeth Llysoedd a Thribiwnlysoedd EM hawlio'r ffi oddi wrthych chi fel dyled sifil.

Heblaw am ffi gwrandawriad y Llys Sirol, ni cheir ad-daliad am unrhyw ffi arall a nodir yn y gorchymyn ffioedd sifil. Fel arfer dim ond os yw'r llys wedi gwneud camgymeriad prosesu y bydd Gwasanaeth Llysoedd a Thribiwnlysoedd EM yn ad-dalu ffioedd, h.y. y llys wedi prosesu hawliad neu gais er eich bod wedi gofyn iddynt beidio â'i brosesu.

Mewn achosion lle mae defnyddiwr y llys wedi gwneud camgymeriad, ni fydd unrhyw ad-daliadau'n cael eu cymeradwyo. Sylwch na ellir dal y llys yn gyfrifol am brosesu ceisiadau neu hawliadau dyblyg.

Os byddwch am wneud cais am gael ffi wedi'i had-dalu, ysgrifennwch at ganolfan fusnes neu ganolfan wrandawiadau'r Llys Sirol perthnasol (mae eu manylion ar gael ar Court and Tribunal Finder <http://courttribunalfinder.service.gov.uk>) gan amlinellu sail eich cais am ad-daliad o fewn dau fis i dalu'r ffi. Ni dderbynnir ceisiadau sy'n cyrraedd ar ôl y cyfnod hwn.

Ni fydd ffioedd yn cael eu had-dalu ar gyfer hawliadau sy'n cael eu cychwyn gan ddefnyddio MCOL na PCOL oni fydd gwall wedi digwydd yn y system, h.y. lle mae ffi wedi cael ei chodi ddwywaith.

Ni fydd ad-daliadau a geisir o dan y cynllun dileu ffioedd yn cael eu darparu yng nghyswllt ffioedd sy'n cael eu talu ar MCOL.

Gwasanaethau ar-lein

Mae gan Wasanaeth Llysoedd a Thribiwnlysoedd EM ddau wasanaeth ar y we: MCOL (Money Claim Online) ar gyfer rhai hawliadau arian hyd at £99,999.99, a PCOL (Possession Claim Online) ar gyfer meddiannau'n ymwneud ag ôl-ddyledion morgais neu rent. Gallwch ddefnyddio'r naill neu'r llall o'r prosesau syml, hwylus a diogel hyn a thalu llai o ffi.

I gael mwy o wybodaeth, holwch staff y llys neu edrychwch ar ein gwefannau:

www.moneyclaim.gov.uk

www.possessionclaim.gov.uk

Ffioedd y llys sifil

Cychwyn eich hawliad

Hawliadau am arian

I gychwyn hawliad am arian, bydd y ffioedd canlynol yn daladwy ar sail y swm a hawlir, gan gynnwys llog. Ar gyfer hawliadau sy'n cael eu cychwyn gan y llys, talgrynnwch ffracsiwn cyfan y geiniog i lawr i'r geiniog agosaf. Enghraifft: Bydd ffi a gyfrifir fel £1050.5096 yn cael ei dalgrynnu i lawr i ffi daladwy o £1,050.50:

				Ffi sy'n daladwy	
Gwerth eich hawliad				Hawliad a gychwynnir mewn llys	Ffeiliwyd drwy SDT/ MCOL*
Hyd at	£300			£35	£25
Mwy na	£300	ond ddim yn fwy na	£500	£50	£35
Mwy na	£500	ond ddim yn fwy na	£1,000	£70	£60
Mwy na	£1,000	ond ddim yn fwy na	£1,500	£80	£70
Mwy na	£1,500	ond ddim yn fwy na	£3,000	£115	£105
Mwy na	£3,000	ond ddim yn fwy na	£5,000	£205	£185
Mwy na	£5,000	ond ddim yn fwy na	£10,000	£455	£410
Mwy na	£10,000	ond ddim yn fwy na	£15,000	5% o werth yr hawliad	4.5% o werth yr hawliad
Mwy na	£15,000	ond ddim yn fwy na	£50,000		
Mwy na	£50,000	ond ddim yn fwy na	£100,000		
Mwy na	£100,000	ond ddim yn fwy na	£150,000		Amh
Mwy na	£150,000	ond ddim yn fwy na	£200,000		Amh
Mwy na	£200,000			£10,000	Amh

* Y swm uchaf ar gyfer Trosglwyddo Data Diogel (SDT) neu Hawlio Arian Ar-lein (MCOL) ydy £99,999.99

System ddiogel yw Trosglwyddo Data Diogel (SDT) i alluogi cwsmeriaid sy'n cychwyn hawliadau mewn swmp i lwytho i fyny a throsglwyddo ffeiliau data yn uniongyrchol o'u systemau i systemau Gwasanaeth Llysoedd a Thribiwnlysoedd EM.

Hawliadau anariannol

I gychwyn hawliad am feddiant

Hawliadau meddiant yn y Llys Sirol	£355
------------------------------------	------

Possession Claims Online (PCOL)	£325
---------------------------------	------

(Dim ond ar gyfer hawliadau meddiant sy'n ymwneud ag ôl-ddyledion rhent neu forgais y gellir defnyddio PCOL)

I gychwyn hawliad am rywbeth heblaw arian, bydd y ffioedd canlynol yn daladwy ar sail y fan lle'r ydych yn cychwyn eich hawliad

Yr Uchel Lys (gan gynnwys hawliadau meddiant)	£480
---	------

Llys Sirol	£280
------------	------

Gyda rhai hawliadau anariannol bydd rhaid talu'r ffioedd gwrandawriad a nodir ar dudalen 6. Holwch y llys i weld a yw'r rhain yn berthnasol i'ch achos chi.

Gwrth-hawliadau a hawliadau ychwanegol

- **Hawliadau am arian** - mae ffi'r llys sy'n daladwy (a nodir ar dudalen 4) yn seiliedig ar werth y gwrth-hawliad neu'r hawliadau ychwanegol, a ble y cafodd yr hawliad gwreiddiol ei gychwyn. Os cafodd yr hawliad gwreiddiol ei gychwyn mewn llys, mae ffi cychwyn y llys i'w thalu. Os cafodd yr hawliad ei gychwyn drwy MCOL neu drwy Ganolfan Fusnes y Llys Sirol, ffioedd gostyngol MCOL sydd i'w talu.
- **Hawliadau anariannol** - mae ffi'r llys sy'n daladwy yn dibynnu ar ble y cafodd yr hawliad gwreiddiol ei wneud, naill ai yn yr Uchel Lys neu'r Llys Sirol. Dangosir y ffioedd llys uchod.

Achos costau

Ar gyfer ffioedd llys sy'n gysylltiedig â mater costau yn unig neu achos asesu costau, ewch i dudalennau 9 a 10.

Ffioedd cyffredinol ar gyfer achosion sifil

Mae'r ffioedd ar dudalen 6 i'w talu gan yr hawlydd. Pan fydd achos yn mynd yn ei flaen ar sail gwrth-hawliad yn unig, bydd y ffioedd yn daladwy gan y diffynnydd.

Ffioedd gwrandawriad

Trac Hawliadau Bychain pan fo'r swm a hawlir:

hyd at £300	£25
rhwng £300.01 a £500	£55
rhwng £500.01 a £1,000	£80
rhwng £1,000.01 a £1,500	£115
rhwng £1,500.01 a £3,000	£170
yn fwy na £3,000	£335

Hawliad trac cyflym £545

Hawliad aml-drac £1,090

Rhaid talu ffi'r gwrandawriad ar yr un pryd ag y bydd y rhestr wirio cyn-treial yn cael ei ffeilio. Os nad oes angen rhestrau gwirio cyn-treial, neu os yw'r achos ar y trac hawliadau bychain, rhaid talu'r ffioedd o fewn 14 diwrnod o:

- anfon yr hysbysiad o ddyddiad y treial neu wythnos y treial; neu'r
- dyddiad pan gewch wybod beth fydd dyddiad neu wythnos y treial, os na fydd hysbysiad ysgrifenedig wedi'i roi.

Rhybudd: Os nad ydych chi'n talu'r ffi ar yr adeg briodol, gall y llys wneud gorchymyn a all beri i'ch hawliad, eich gwrth-hawliad neu'ch amddiffyniad gael ei ddileu. Os digwydd hyn, ni fyddwch yn gallu parhau â'ch hawliad neu'ch gwrth-hawliad.

Ad-dalu ffioedd gwrandawriad

Gwrandawriad hawliad bychain

Gallai ffi'r gwrandawriad gael ei had-dalu'n llawn ichi os byddwch yn dweud wrth y llys, yn ysgrifenedig, **o leiaf saith diwrnod calendr clir** (heb gynnwys y dyddiad derbyn a dyddiad y gwrandawriad) cyn dyddiad y treial neu gychwyn wythnos y treial, bod yr achos wedi'i setlo neu na fydd yn parhau.

Gwrandawriad hawliad trac cyflym, amldrac neu anariannol

Gallai'r cyfan neu rywfaint o ffi'r gwrandawriad gael ei had-dalu ichi os byddwch yn dweud wrth y llys yn ysgrifenedig bod yr achos wedi'i setlo neu na fydd yn parhau. Bydd y symiau canlynol yn cael eu had-dalu os hysbysir y llys:

- mwy na 28 diwrnod cyn y gwrandawriad, 100% o'r ffi;
- rhwng 28 a 15 diwrnod cyn y gwrandawriad, 75% o'r ffi;
- rhwng 14 a 7 diwrnod cyn y gwrandawriad, 50% o'r ffi;
- llai na 7 diwrnod cyn y gwrandawriad, dim ad-daliad.

Ceisiadau cyffredinol

- | | |
|--|------|
| • Cais ar rybudd pan nad oes ffi arall wedi'i phennu. | £255 |
| - ceisiadau i amrywio neu ymestyn gwaharddeb i ddiogelu rhag aflonyddwch neu drais | £155 |
| • Cais i osod dyfarniad Llys Sirol o'r neilltu. | £255 |
| • Cais drwy gydsyniad neu heb rybudd pan nad oes ffi arall wedi'i phennu. | £100 |
| - ceisiadau i amrywio neu ymestyn gwaharddeb i ddiogelu rhag aflonyddwch neu drais | £50 |
| - ceisiadau i wneud taliad o gronfeydd sydd wedi eu talu yn y llys | £50 |
| • Cais i amrywio dyfarniad, gohirio camau gorfodi neu ohirio gwarant i feddiannu. | £50 |
| • Cais am wŷs neu am orchymyn i dyst fynychu'r llys. | £50 |
| • Cais am dystysgrif ad-dalu dyled dyfarniad. | £15 |

Does dim ffi i'w thalu ar gyfer gwneud cais drwy gydsyniad i ohirio gwrandawriad os yw'n cyrraedd y llys o leiaf 14 diwrnod cyn dyddiad y gwrandawriad.

Apeliadau

Wrth ffeilio rhybudd apelydd neu rybudd atebudd yn:

- Yr Uchel Lys £240
- Y Llys Sirol
 - Trac hawliadau bychain £120
 - Pob hawliad arall £140

Mae ffioedd eraill yn daladwy mewn achosion apêl lle gwneir ceisiadau. Nid yw'r ffioedd hyn yn berthnasol i apeliadau yn erbyn penderfyniad a wneir mewn achos asesu costau'n fanwl (gweler tudalen 10).

Achosion ansolfedd

Deisebau methdaliad a dirwyn cwmni i ben

- Cyflwyno deiseb i ddatgan eich hun yn fethdalwr (deiseb y dyledwr). £180
- Cyflwyno deiseb i wneud rhywun y mae arno arian i chi yn fethdalwr (deiseb credydwr). £280
- Cyflwyno deiseb dirwyn i ben (cwmnïau'n unig) £280
- Unrhyw ddeiseb arall lle nad oes ffi arall wedi'i phennu. £280

Dim ond y ffioedd llys yw'r rhain. Mae swm ychwanegol, sef blaendal y Derbynnydd Swydddogol, i'w dalu mewn arian parod yr un pryd â ffi'r llys. Bydd y llys sy'n prosesu'ch cais yn dweud wrthy'ch chi faint fydd y blaendal.

Dalier sylw: Mae rhai achosion ansolfedd yn cael eu dyrannu i'r aml-drac a bydd rhaid talu'r ffioedd gwrandawriad aml-drac a nodir ar dudalen 6. Holwch y llys i weld a yw hyn yn effeithio ar eich achos chi.

Ceisiadau eraill

- Cais i newid trefniant gwirfoddol yn drefniant methdal neu ddirwyn i ben. £160
- Cais ar rybudd mewn achos ansolfedd cyfredol lle nad oes ffi arall wedi'i phennu. £155
- Cais drwy gydsyniad neu heb rybudd mewn achos ansolfedd cyfredol lle nad oes ffi arall wedi'i phennu. £50
- Cais am dystysgrif rhyddhau o fethdaliad. £70
- Cais am gopi o dystysgrif rhyddhau o fethdaliad. £10

Chwiliadau methdaliadau

- Ar gyfer chwiliad cyffredinol yng nghofnodion yr Uchel Lys am bob 15 munud neu ran o 15 munud £10
- Ar gyfer chwiliad personol, gan gynnwys lle bydd un o swyddogion y llys yn chwilio cofnodion cwmnïau a methdaliadau yn y Llys Sirol £45

Ffioedd y Llys Sifil a'r Llys Teulu

Copiau o ddogfennau

Os byddwch yn gofyn i'r llys wneud copïau o ddogfennau, derbyn neu anfon ffacs ar eich rhan, neu ddarparu copi o ddogfen sydd eisoes wedi'i darparu:

- Ar gyfer rhwng un a deg tudalen o unrhyw ddogfen. £10
- Am bob tudalen olynol o'r un ddogfen. 50c y dudalen
- Am gopiau o ddogfennau a ddarperir ar ddisg gyfrifiadurol neu ar ffurf electronig arall. £10

Achosion costau yn unig

Os yw'r partïon wedi cytuno ynghylch anghydfod heb gychwyn hawliad neu ddeiseb, ond bod mater costau heb ei ddatrys, caiff y naill barti neu'r llall gychwyn hawliad am achos costau yn unig.

- Cychwyn achos costau yn unig. £50

Achosion asesu costau

Pan fo gan gleient gynrychiolaeth gyfreithiol a bod anghydfod ynghylch swm y costau sy'n daladwy i'r cyfreithiwr, gall y cleient wneud cais bod y costau'n cael eu hasesu gan y llys.

- Cais am orchymyn o dan Ran 3 o Ddeddf Cyfreithwyr 1974 i asesu costau. £50

Pennu costau

Wrth ffeilio cais am asesiad manwl:

- Pan fo'r parti sy'n ffeilio'r cais yn derbyn cymorth cyfreithiol neu'n cael arian gan yr Asiantaeth Cymorth Cyfreithiol (LAA). £200

Pan wneir y ceisiadau canlynol, mae'r ffi sy'n daladwy yn dibynnu ar faint o gostau sy'n cael eu hawlio:

- Ffeilio cais am asesiad manwl pan nad yw'r parti sy'n ffeilio'r cais yn cael cymorth cyfreithiol nac arian gan yr LAA; neu
- Gais am ddyddiad gwrandawriad ar gyfer asesu costau yn dilyn gorchymyn dan Ran 3 Deddf Cyfreithwyr 1974

lle mae'r costau sy'n cael eu hawlio:

hyd at £15,000	£335
£15,000.01 – £50,000	£675
£50,000.01 – £100,000	£1,005
£100,000.01 – £150,000	£1,345
£150,000.01 – £200,000	£1,680
£200,000.01 – £300,000	£2,520
£300,000.01 – £500,000	£4,200
yn fwy na £500,000	£5,600

- Apêl yn erbyn penderfyniad a wnaed mewn achos asesu manwl. £210
- Cais i gyflwyno tystysgrif costau diffygdlu. £60
- Cais i osod tystysgrif costau diffygdlu o'r neilltu. £110
- Cais i gymeradwyo tystysgrif costau sy'n daladwy o'r Gronfa Cymorth Cyfreithiol Sifil (dim ond os cafodd y cais gwreiddiol am asesiad manwl ei ffeilio cyn 1 Gorffennaf 2013 y mae hwn yn berthnasol). £50

Achosion gorfodi

Os yw'r llys wedi gorchymyn i rywun dalu swm o arian i chi neu i ddychwelyd eich nwyddau neu'ch eiddo neu dir, a hwythau heb wneud hynny, cewch gychwyn achos gorfodi.

Gorchymyn i gael gwybodaeth gan ddyledwr

- Cyflwyno cais am orchymyn i ddyledwr neu unigolyn arall fynychu llys er mwyn darparu gwybodaeth. £50
- Gwneud cais i Feili gyflwyno gorchymyn i ddyledwr neu unigolyn arall fynychu llys er mwyn darparu gwybodaeth. £100

Gwarantau

- Codi gwarant reolaeth (adfer swm o arian) drwy'r gwasanaeth Hawlio Arian Ar-lein neu Ganolfan Fusnes y Llys Sirol. £70
- Codi gwarant reolaeth (adfer swm o arian) mewn unrhyw achos arall. £100
- Codi gwarant i drosglwyddo (ar gyfer nwyddau). £110
- Codi gwarant i feddiannu (adfer eiddo neu dir). £110
- Cais am ymgais pellach i weithredu gwarant mewn cyfeiriad newydd, ac eithrio lle mae'r warant wedi'i hatal dros dro. £30

Gwritiau (Uchel Lys yn unig)

- Selio gwrit rheolaeth (adfer swm o arian). £60
- Selio gwrit trosglwyddo (ar gyfer nwyddau). £60
- Selio gwrit meddiannu (adfer eiddo neu dir) £60

Pan fydd gwarant neu writ i drosglwyddo neu feddiannu hefyd yn cynnwys hawliad am arian, nid oes ffi ychwanegol yn daladwy.

Atafaelu enillion

- Cais am orchymyn atafaelu enillion (mae ffi i'w thalu am bob diffynnydd y gofynnir i'r gorchymyn gael ei wneud yn ei erbyn). £100

Yn achos gorchymyn atafaelu enillion cyfun, tynnir ffi o 10c am bob £1, neu ran o £1, o'r arian sy'n cael ei dalu i'r llys cyn ei dalu i'r credydwyd.

Gorfodi dyfarniad yn y Llys Sirol

- Cais am orfodi dyfarniad am swm o arian neu benderfyniad arall sydd wedi'i wneud gan unrhyw lys, tribiwnlys, sefydliad neu unigolyn heblaw am yr Uchel Lys neu'r Llys Sirol, onid oes eithriadau'n berthnasol. £40

Gorfodi dyfarniad yn yr Uchel Lys

- Cais: £60
 - i gofrestru dyfarniad neu orchymyn; neu
 - am ganiatâd i orfodi dyfarniad cyflafareddu; neu
 - am dystysgrif neu gopi ardystiedig o ddyfarniad neu orchymyn i'w ddefnyddio dramor..

Gorchymyn arwystlo

- Cais am orchymyn arwystlo.
(Mae ffi i'w thalu am bob gorchymyn arwystlo y gwneir cais amdano). £100

Gorchymyn dyled trydydd parti

- Cais am orchymyn garnisio neu ddyled trydydd parti.
(Mae ffi i'w thalu am bob parti y gofynnir i'r gorchymyn gael ei wneud yn ei erbyn). £100

Gwŷs dyfarniad

- Cais am wŷs dyfarniad. £100

Asiant Gorfodi Ardystiedig

Cais

- Ffioedd anariannol eraill yn y Llys Sirol £280

Math o orfodaeth y gall y Llys ystyried yn briodol

- Cais yn y llys teulu ar gyfer gorchymyn am y math o orfodaeth gall y llys ei ystyried yn briodol £50

Ffioedd y llys teulu

Nid yw pob llys yn gallu delio gydag achosion teulu. Gallwch ddod o hyd i restr lawn o lysoedd, a gwybodaeth ynghylch y math o waith maent yn ei wneud, ar-lein yn courttribunalfinder.service.gov.uk neu drwy ffonio eich llys lleol.

Achosion priodas a phartneriaeth sifil

- Ffeilio cais am ysgariad, dirymiad neu ddiddymu partneriaeth sifil. £550
- Ffeilio cais am ymwahaniad cyfreithiol. £365
- Ffeilio cais am ail orchymyn, gorchymyn priodasol dilynol neu orchymyn partneriaeth sifil gyda chaniatâd dan reol 7.7 (1)(b) Rheolau Trefniadaeth Teulu 2010. £95
- Ffeilio ymateb i gais am orchymyn priodasol neu orchymyn partneriaeth sifil. £245
- Ffeilio cais diwygiedig am orchymyn priodasol neu orchymyn partneriaeth sifil. £95
- Ffeilio cais i gychwyn achos pan nad oes unrhyw ffi arall wedi'i nodi. £245
- Ffeilio cais i wneud dyfarniad nisi, dyfarniad absoliwt (ysgariad), gorchymyn amodol neu orchymyn terfynol (diddymiad) - dim ond yn daladwy os ffeiliwyd y cais gwreiddiol am ysgariad, dirymiad neu ddiddymu partneriaeth sifil cyn 1 Gorffennaf 2013. £50

Gorchmynion ariannol

- Cais am orchymyn ariannol, ac eithrio drwy gydsyniad. £255
- Cais am orchymyn ariannol drwy gydsyniad. £50

Ceisiadau am waharddebau

Ceisiadau yng nghyswllt cartrefi teuluol a thrais domestig:

- Cais am orchymyn rhag molestu. Dim ffi i'w thalu
- Cais am orchymyn anheddu. Dim ffi i'w thalu

Ceisiadau yng nghyswllt priodas dan orfod

- Cais am orchymyn amddiffyn rhag priodas dan orfod o dan Ran 4 neu Ran 4A o Ddeddf Cyfraith Teulu 1996.

Dim ffi i'w thalu

Nid yw'r ceisydd neu'r ceisydd trydydd parti yn gorfod talu am geisiadau i gychwyn achosion a cheisiadau mewn achosion presennol i amrywio neu ryddhau gorchymyn rhag molestu, gorchymyn anheddu neu orchymyn amddiffyn rhag priodas dan orfod.

Mae'r atebydd dal yn atebol i dalu'r ffi, ac eithrio os yw cais am ddileu ffi wedi ei ganiatáu. Gweler yr adran 'Ceisiadau mewn Achosion' i weld y ffioedd gwneud cais.

Plant

Mae taflen y llys 'CB1 - Gwneud Cais - Plant a'r Llys Teulu' yn rhoi rhagor o wybodaeth am y mathau o geisiadau dan y Ddeddf Plant a phwy sy'n gallu eu gwneud. Mae detholiad o'r ceisiadau mwyaf cyffredin i'w weld isod:

Ceisiadau dan Ddeddf Plant 1989

- Unrhyw geisiadau newydd o dan Ddeddf Plant 1989 i ofyn am ganiatâd i gychwyn achos neu am orchymyn neu gyfarwyddiadau i'w gwneud ynghylch y plentyn/plant – ac eithrio ceisiadau am orchymynion gofal a goruchwyliaeth, ceisiadau am dorri neu am ddiddymu gorchymyn gorfodi.

£215

- Cais am dorri neu ddiddymu gorchymyn gorfodi

£95

Mae ceisiadau i gychwyn achos newydd o dan Ddeddf Plant 1989 yn cael eu diffinio fel unrhyw gais am orchymyn lle nad oes achos yng nghyswllt y plentyn/plant yn cael ei ystyried ar y pryd gan y llys. Os oes achosion dan Ddeddf Plant 1989 eisoes yn cael eu hystyried yng nghyswllt y plentyn/plant, codir y ffi gwneud cais am geisiadau o fewn achos. Gweler yr adran 'Ceisiadau mewn Achosion' i gael rhagor o fanylion.

Mabwysiadu

- Ar gais am ganiatâd, neu orchymyn a wneir o dan unrhyw ddarpariaeth yn Rhan 1 o Ddeddf Mabwysiadu a Phlant 2002 heblaw am adran 22 £170
- Cais am orchymyn lleoli (adran 22) £455

Ceisiadau o dan y Ddeddf Mabwysiadu a Phlant

Pan fydd cais yn cael ei wneud, neu ganiatâd yn cael ei geisio dan ddwy neu ragor o ddarpariaethau Deddf Plant 1989, neu Ddeddf Mabwysiadu a Phlant 2002, neu Ddeddf Plant a Mabwysiadu 2006, dim ond un ffi sy'n daladwy, ac os yw'r ffioedd yn wahanol, telir y ffi uchaf.

Gorchmynion cynhaliaeth

Gweler yr adran achosion gorfodi i gael manylion am y ffioedd sy'n berthnasol wrth wneud cais am orchymyn i orfodi gorchymyn talu arian. Os ydych yn dymuno amrywio Gorchymyn Cynhaliaeth cyfredol, gweler yr adran Ceisiadau mewn Achosion.

Ceisiadau mewn achosion

- Cais ar rybudd pan nad oes ffi arall wedi'i phennu. £155
- Cais drwy gydsyniad neu heb rybudd pan nad oes ffi arall wedi'i phennu. £50

Wrth ffeilio hysbysiad o apêl:

- Ynghylch unrhyw benderfyniad mewn achos teulu a wneir gan farnwr rhanbarth, un neu fwy o ynadon lleyg, clercc ynadon neu gynorthwydd i glerc ynadon, ac eithrio apêl yn erbyn penderfyniadau a wneir o dan Ddeddf Plant 1989. £125
- Ynghylch unrhyw ddarpariaeth yn Neddf Plant 1989, ac eithrio yng nghyswllt apeliadau am dorri neu ddiddymu gorchymyn gorfodi. £215

Cais am gyflwyno

- Cais i unrhyw ddogfen gael ei chyflwyno gan Feili. £110

Chwiliadau

Mynegai dyfarniadau absoliwt neu orchmynion terfynol

Chwilio'r mynegai ar gyfer unrhyw gyfnod penodol o ddeng mlynedd calendr neu'r deng mlynedd mwyaf diweddar.

- | | |
|---|-----|
| • Chwilio'r mynegai canolog cenedlaethol o ddyfarniadau absoliwt/gorchmynion terfynol | £65 |
| • Chwilio'r mynegai canolog cenedlaethol o gytundebau cyfrifoldeb rhiant | £45 |
| • Chwilio unrhyw fynegai dyfarniadau absoliwt/gorchmynion terfynol mewn llys teulu penodol neu Gofrestrfa Ddosbarth | £45 |

Mae'r ffi yn cynnwys copi o'r cytundeb, os yw'n briodol.

Os oes arnoch angen y daflen hon mewn fformat arall, er enghraifft mewn print bras, cysylltwch â'ch llys lleol am gymorth.

Os oes gennych anabledd sy'n golygu bod mynd i'r llys neu gyfathrebu yn anodd i chi, cysylltwch â'r llys perthnasol a gallant eich helpu chi.

Mae manylion cysylltu pob un o'n llysoedd ar gael ar-lein yn courttribunalfinder.service.gov.uk